

19 - WEKEZO USILOWEZA KUPOTEZA



1

Jinsi ya Kuwa na Hakika Fedha Yako i Salama



2

Yesu alizungumza sana juu ya fedha.

Kati ya mifano yake 38, kumi na sita ilihusiana na jinsi ya kutumia fedha na mali.

Katika vitabu vya injili vinne vya Mathayo, Marko, Luka, na Yohana, katika namna ya kushangaza ya kila moja kati ya mafungu kumi, au mafungu 288 kwa ujumla, hushughulikia moja kwa moja swala la fedha na au mali.

Yapo takriban mafungu 500 katika Biblia yahusuyo maombi, mengine 500 yahusuyo imani, lakini kiasi cha kutisha cha mafungu 2,000 juu ya fedha na mali. Fedha lazima liwe ni swala la muhimu sana kwa Mungu.

Hatuhitaji tuwe na fadhaa kuzihusu.

Anatuhitaji tumwamini ya kwamba atatupatia mahitaji yetu.



3

Watu wengi hutumia muda mwingi sana wakifadhaika juu ya matatizo ya fedha - jinsi gani ya kulipia vitu wanavyovitaka na wanavyovihitaji. Wana fadhaa kuhusu wakati ujao pia.



4

Je, watakuwa na kiasi cha kuwatosha kuishi kwacho wakati wakistaafu?

Kitu gani kitatokea wakiwa wazee sana au wakiwa wagonjwa sana kiasi cha kutoweza kufanya kazi zaidi?

Watu wanatafuta kitu kilicho thabiti au cha kudumu. Lakini twaweza kupata wapi usalama kwa ajili ya wakati uliopo na wakati ujao?

19 - WEKEZO USILOWEZA KUPOTEZA



5

Mungu kamwe hakukusudia ya kwamba wewe na mimi tuwe na fadhaa kuhusu wakati uliopo au wakati ujao.
Kama tukimtegemea hatutahitaji kuwa na wasiwasi juu ya kile kitakachotokea kwetu.



6

(Fungu: Mathayo 6:31,32)
Msisumbuke, basi, mkisema, Tule nini? Au Tunywe nini? Au Tuvae nini?
Au, Tutakunywa nini? Au, Tutavaa nini?



7

.....Kwa sababu Baba yenu wa mbinguni anajua ya kuwa mnahitaji hayo yote.
Mathayo 6:31,32.
Hebu na tuangalie mpango wa Mungu wa usalama kwa ajili yetu.



8

Yote hii ilianzia katika Bustani ya Edeni.



9

Sayari Dunia ilikuwa ndipo tu imetoka katika mikono ya Muumbaji katika uzuri wake wote na ukamilifu, utukutu kuliko maelezo.



10

Urembo wa Msanii Mkuu ulisalimia jicho katika kila mwelekeo.
Kucha kwa jua kuliko kuwa na urembo wa kushangaza kulilandana tu na urembo wa machweo ya jua.



11

Maziwa yenye utulivu yalilala kati ya vilima.

19 - WEKEZO USILOWEZA KUPOTEZA



12

Maua ya kupendeza ya kila rangi na mizabibu iliyokuwa ikichanua ilifurahisha hisia.



13

Miti ilikuwa ikining'inia kwa kuwa na mzigo wa matunda matamu ya kila aina.



14

Ndege waimbao walilijaza anga kwa nyimbo tamu. Wanyama katika majani mabichi walicheza na kuzurura bila hofu. Chemchemi na maziwa vilikuwa hai vikiwa na samaki wazuri wenye rangi za kupendeza. Paradiso ya namna gani tokea ncha moja hadi nyingine!



15

Ni kwa kiasi gani Adamu na Hawa lazima walikuwa wamefurahia dunia iliyokuwa kamilifu Mungu aliyokuwa amewatengenezea.



16

(Fungu: Mwanzo 2:8)
Lakini kulikuwa na zaidi! BWANA Mungu akapanda bustani....., akamweka ndani yake huyo mtu aliyemfanya. Mwanzo 2:8.



17

Hebu fikiria! Mahali fulani kati ya maajabu na uzuri wa dunia iliyozaliwa upya, Mungu alisanii nyumba ya bustani kwa ajili ya Adamu na Hawa.

19 - WEKEZO USILOWEZA KUPOTEZA



18

Nyumba ya fahari kuliko zote Duniani haiwezi kulinganishwa na nyumba ya kwanza ya dunia iliyokuwa bustani.

Si tu kwamba Mungu aliwapatia nyumba ya kupendeza kwa ajili yao, lakini pia alielezea juu ya chakula cha ajabu alichokuwa amewapatia.



19

(Fungu: Mwanzo 1:29)

....Tazama, nimewapa kila mche utoao mbegu, ulio juu ya uso wa nchi yote pia,



20

na kila mti ambao matunda yake yana mbegu; vitakuwa ndivyo chakula chenu. Mwanzo 1:29.



21

Adamu na Hawa hawakuwa na kodi ya nyumba ya kulipa, wala hawakuwa na kodi ya kuwatia wasiwasi, wala hawakuwa na kufuli au funguo, hawakuwa na majambazi wala wezi, wala hospitali au maduka ya madawa.



22

Walifurahia afya kamili na ujana usioisha, kujitoa kikamilifu kila mmoja kwa mwingine, na upendo mkamilifu kwa Mungu.

Mungu alitaka washiriki mibaraka hii, hivyo akasema,



23

(Fungu: Mwanzo 1:28)

...Zaeni, mkaongezeke, mkaijaze nchi na kuitiisha... Mwanzo 1:28.



24

Sisi tu Mawakili wa Mali ya Mungu


19 - WEKEZO USILOWEZA KUPOTEZA



25

Ilikuwa ni mpango wa Mungu ya kwamba familia moja iliyo kubwa, yenye furaha na afya iishi katika Sayari Dunia/


Mungu alijua pia ya kwamba mwanadamu angepaswa kuwa na kazi ya kufanya, majukumu ambayo angefurahia kuyakamilisha.



26

(Fungu: Mwanzo 1:28)

Hivyo alimwambia Adamu na Hawa: ...Mkatawale samaki wa baharini, na ndege wa angani,



27

na kila kiumbe chenye uhai kiendacho juu ya nchi.



28

(Fungu: Mwanzo 2:15)

BWANA Mungu akamtwaa huyo mtu, akamweka katika bustani ya Edeni, ailime na kuitunza.

Mwanzo 1:28; 2:15.



29

Wakati kila kitu duniani ni mali ya Mungu, Alimkabidhi mwanadamu uwakili wa dunia. Mungu ndiye Mwenye, sisi ni mawakili, tunatunza mali ya Mungu.



30

(Fungu: Zaburi 24:1)

Biblia yasema, Nchi na vyote viijazavyo ni mali ya BWANA, Dunia na wote wakaao ndani yake.

Zaburi 24:1.



31

(Fungu: Zaburi 50:10,11)

Na tena, Mungu anasema, Maana kila hayawani ni wangu, na makundi juu ya milima elfu.

19 - WEKEZO USILOWEZA KUPOTEZA




32

Nawajua ndege wote wa milima,
na wanyama wote wa mashamba ni wangu.
Zaburi 50:10,11



33

Ni Mungu atupatiaye uwezo wa kupata fedha. Kwa kweli hatuna chochote kilicho mali yetu!
Kama Muumbaji wetu, Mungu analodai la mali yetu na maisha yetu.



34

(Fungu: Kumbukumbu la Torati 8:18)
Bali utamkumbuka BWANA Mungu wako, maana ndiye akupaye nguvu za kupata utajiri;



35

ili alifanye imara agano lake alilowapa baba zako, kama hivi leo.
Kumbukumbu 8:18.




36

Kamusi ya "Webster's New World" inaeleza neno wakili kama Mtu atendaye kama msimamizi wa fedha na mali kwa ajili ya mwingine.
Leo mtu aingiapo katika uhusiano wa uwakili, anataka kujua mwenye mali anatarajia nini toka kwake.
Haya ndiyo maelewano ambayo Mungu alikuwa nayo na Adamu, kwani Biblia yasema,



37


(Fungu: Mwanzo 2:16,17)
.....Matunda ya kila mti wa bustani waweza kula;



38

Walakini mti wa ujuzi wa mema na mabaya usile,

19 - WEKEZO USILOWEZA KUPOTEZA



39

kwa maana siku utakapokula matunda ya mti huo utakufa hakika.
Mwanzo 2:16,17.



40

Mungu aliujaribu upendo wa mwanadamu na utii wake. Adamu na Hawa wangeweza kula toka katika miti mingine yote katika bustani, lakini hawakupaswa kula tunda toka kwa ule mti pekee. Kwa kumtii Mungu, wangeonyesha utambuzi wa Mwenye mali ambaye ni Yeye (Mungu). Kama wangelikuwa mawakili waaminifu na kama wangelichagua kudumisha utii wao kwa Mungu, wangeliishi milele katika dunia iliyokuwa paradiso! Adamu na Hawa walishindwa jaribu moja rahisi Mungu alilolihitaji toka kwao. Walishindwa kuwa mawakili waaminifu, na walikuwa wamepoteza kila kitu: nyumba yao ya bustani, kutokufa, upendo, furaha, usalama, dhamiri safi, na kutembea na kuzungumza uso kwa uso na Mungu!



41

Walianguka kutoka katika ufalme hadi utumwani. Na nyuma ya yote hayo aliyekuwa na ridhaa ya ndani kabisa alikuwa Shetani, malaika muasi aliyetegemea kutawala dunia kikamilifu milele.



42

Hata hivyo, utawala wa Shetani ulivunjwa na kuingia kwa Kristo katika dunia karne kadhaa baadaye.



43

Mpango wa Shetani ulikuwa kumdanganya Mwana wa Mungu wa Mbinguni kwa urahisi kama alivyomdanganya Adamu na Hawa. Shetani alisubiri hadi Yesu alipokuwa amefunga kwa siku arobaini.

19 - WEKEZO USILOWEZA KUPOTEZA



(Fungu: Mathayo 4:8,9)

Kisha akamchukua hadi katika mlima mrefu mno, akamwonyesha falme zote za ulimwengu na fahari zake,



akamwonyesha milki zote za ulimwengu.....



Kisha akamwambia, Haya yote nitakupa, ukianguka kunisujudia. Mathayo 4:8,9.



Shetani alitegemea kumshawishi Yesu kwa kutumia falme za dunia hii, lakini hakufanikiwa. Vitu ambavyo Shetani aliahidi kumpatia Kristo havikuwa vyake na wala asingekuwa yeye avitoe!

Alikuwa ameiiba sayari kwa hila na udanganyifu. Na Yesu asingeweza kuuza uhusiano wake na Baba yake kwa ajili ya dunia nzima ya utajiri na iliyong'aa.



Hatimaye, hatima ya Shetani ilitiwa muhuri milele pale Kalvari.

Kwa mauti ya Kristo katika msalaba, Shetani alishindwa! Mauti ya Kristo ilifanya iwezekane kwa Sayari Dunia kufanywa upya tena.



Kila jinsi tulivyo na kila kitu tulicho nacho kimewezekana kwa sababu ya karama ya milele ya Kristo kwa familia ya mwanadamu.

Tumpende tusimpende, maisha yetu na vyote tulivyonavyo ni mali yake.



Yeye si tu Muumbaji wetu, Yeye ni Mkombozi wetu! Na kama Adamu na Hawa, sisi tu mawakili wa kile Mungu akiwekacho kwetu. Hivyo anahitaji nini kwetu?

19 - WEKEZO USILOWEZA KUPOTEZA



51

(Fungu: 1 Wakorintho 4:2)

Hapo tena inayohitajiwa katika mawakili, ndiyo mtu aonekane kuwa mwaminifu.

1 Wakorintho 4:2



52

Sisi tu mawakili wa karama ya Mungu ya Uhai
Karama iliyo kuu kuliko zote katika karama za
Mungu ni Uhai wenyewe.

Mtume Paulo anatamka:



53

(Fungu: Matendo 17:24,25)

Mungu aliyeufanya ulimwengu na vitu vyote vilivyomo....



54


.....ndiye anayewapa wote uzima na pumzi na vitu vyote.

Matendo 17:24,25.



55


Uhai wetu unaanzia kwa Mungu, naye ndiye anayeutunza. Kila pigo la moyo, kila pumzi ya hewa, kila pigo la mshipa wa damu katika miili yetu ni karama toka kwa Mungu.



56

(Fungu: Warumi 12:1)

Paulo aliandika:Basi, ndugu zangu, nawasihi kwa huruma zake Mungu, itoeni miili yenu iwe dhabihu iliyo hai,



57

takatifu, ya kumpendeza Mungu, ndiyo ibada yenu yenye maana.

Warumi 12:1.

Kafara iliyo hai humaanisha kujitoa bila kubakiza chochote, au kujikabidhi kwa Kristo na uongozi wake katika maisha yetu.

19 - WEKEZO USILOWEZA KUPOTEZA



58

(Fungu: Matendo 10:38)

Kristo alizunguka huko na huko, akitenda kazi njema.. Matendo 10:38



59

Yeye ni kielelezo chetu; sisi tunapaswa kufuata kielelezo chake cha huduma isiyo na ubinafsi.



60

Sisi tu mawakili wa Wakati ambao Mungu natupatia
Sisi siyo tu mawakili wa fedha, lakini sisi tu mawakili wa wakati pia.

Mmoja aliwahi kusema ya kwamba muda ni kitu ambacho uhai umetengenezwa nacho.

Mtungu Zaburi alimuomba Mungu,



61

(Fungu: Zaburi 90:12)

Basi utujulishe kuzihesabu siku zetu, tujipatie moyo wa hekima.

Zaburi 90:12.



62

Kupoteza wakati ni kupoteza maisha (uhai) --kuifuja ile talanta ambayo Mungu Mwenyewe ameitoa kwa kila mwanamume na mwanamke.


Kila mtu anayo idadi ile ile ya masaa kwa siku, idadi ile ile ya dakika katika masaa yale, na atawajibika kwa chaguzi zilizofanyika kuyajaza.



63

Mungu anatutegemea ya kwamba tutatumia wakati kwa hekima katika ujumla wake. Anatutegemea pia tuweke pembeni wakati maalum, kipindi maalum - Sabato, siku ya saba ya juma, kama namna ya kudhihirisha imani yetu kwake kama Muumbaji wetu.

19 - WEKEZO USILOWEZA KUPOTEZA



64

Wakati muda wetu wote ni mali ya Mungu, Anatuomba ya kwamba Sabato ya siku ya saba iwekwe wakfu kwa ajili ya ushirika pamoja naye, tukitulia katika Neno lake na tukipata burudani kutoka katika ahadi zake.

Anatualika tuweke pembeni shinikizo la kazi za juma, kununua au kuuza na shughuli za kidunia, na kumkumbuka Yeye kama Muumbaji wetu na Mkombozi.



65

Sisi tu Mawakili wa Talanta Mungu anazotupatia. Naam, unahoji, Ni talanta zipi hasa ambazo tunawajibika kwazo kama mawakili wa Mungu? Sidhani ya kwamba ninazo talanta zozote.



66

Leo, talanta duniani humaanisha uwezo wa kuimba vizuri, kupiga chombo cha muziki, kuchora picha, kushona vazi, kuandika, au kupanga mambo.



67

Hizi ni talanta kwa kweli, lakini talanta ambazo Mungu alimaanisha haziiishii katika hizi. Kama mawakili wa Mungu, tunawajibika kwa kila kitu anachotupatia, ukiwemo uhai, wakati, uwezo, na mali.

Siku moja Mungu atatuuliza tuchague kuridhisha nia zetu na anasa au tubariki wengine!

Yesu alisema, Nifuate.

Aliishi maisha yasiyo ya kibinafsi.



68

(Fungu: Matendo 10:38)


Biblia yasema ya kuwa Yesu ndiye aliye...zunguka huko na huko, akitenda kazi njema.... Matendo 10:38. Wengi wetu tunaridhika tu kwa kwenda huko na huko.



69


Talanta zetu si za kutumia tu ili kupata sifa toka kwa watu au kupata tu ijara njema toka kwa Mungu. Tumeazimwa tu ili kuwabariki wengine.

19 - WEKEZO USILOWEZA KUPOTEZA



70

(Fungu: 1 Wakorintho 4:7)
Paulo aliandika:Nawe una nini usichokipokea?



71

Lakini iwapo ulipokea, wajisifia nini kana kwamba hukupokea?
1 Wakorintho 4:7.



72

Sisi tu Mawakili wa Fedha Mungu Anayotupatia



73

(Fungu: Mathayo 6:33)
Kama tukiutafutakwanza ufalme wake, na haki yake
(Mathayo 6:33), tunagundua mibaraka ya Mungu inamiminwa juu yetu.



74

Na zaidi ya kutoa wakati wetu, tunapata katika Maandiko ya kwamba kujitoa kwa Mungu kunahusisha pia kumrudishia Yeye sehemu ya mibaraka ya mali halisi aliyotupatia.



75

Siku moja mpwa wa Ibrahimu; Lutu na familia yake walichukuliwa mateka na kabila adui toka nyumbani mwao Sodoma.
Wakati habari ilipomfikia Ibrahimu, alinuia kumuokoa Lutu pamoja na wengine. Alimuomba Mungu awe pamoja naye na ampatie mafanikio. Mungu alikuwa pamoja naye.
Lutu na familia yake waliokolewa pamoja na hazina za adui zikaletwa nyumbani.

19 - WEKEZO USILOWEZA KUPOTEZA



76

Wakati Ibrahimu alipokaribia Sodoma, mfalme alikuja kumpokea, akimsihi atunze kwa ajili yake mwenyewe hazina alizokuwa amezipata, arejeshe tu mateka.

Ibrahimu alikataa kuchukua chochote kwa ajili yake mwenyewe.

Melkizedeki, kuhani wa Mungu, akamletea Ibrahimu chakula na kumbariki.



77

(Fungu: Mwanzo 14:20)

Kisha Ibrahimu ...akampa fungu la kumi la vitu vyote.

Mwanzo 14:20.



78

Ibrahimu alitaka kuonyesha shukurani zake kwa msaada wa Mungu katika kufanikisha kuwaweka huru Lutu na wengine, akimtambua Mungu kama mwenye mali na mibaraka yake.



79

Miaka mia moja na ishirini baadaye, mjukuu wa Ibrahimu alionyesha shukrani yake kwa Mungu kwa njia iyo hiyo.

Wakati akimkimbia ndugu yake aliyekuwa na ghadhabu, Yakobo alijihisi mpweke hakika na tena mwenye hofu.

Kwa shauku kuu alitaka ulinzi wa Mungu, lakini alijihisi mwenye hatia kwa kumnyang'anya ndugu yake, Esau, kiasi cha kuhofu ya kwamba Mungu alikuwa amemuacha na asingemsamehe.



80

Huku akiwa na hisia ya majuto makuu, Yakobo alikiri makosa yake kwa Mungu na kisha kwa uchovu akalala chini katika nchi na kupata usingizi.



81

(Fungu: Mwanzo 28:12,22)

Akaota ndoto; na tazama, ngazi imesimamishwa juu ya nchi, na ncha yake yafika hata mbinguni;

19 - WEKEZO USILOWEZA KUPOTEZA



82

Tena, tazama, malaika wa Mungu wanapanda, na kushuka juu yake.



83

Hali akiwa ameguswa kwa ndani kabisa, aliahidi kwa shukrani,Na katika kila utakalonipa hakika nitakutolea wewe sehemu ya kumi.
Fungu la 22.



84

Mfalme Daudi alijihisi vivyo hivyo alipoomba,



85

(Fungu: Zaburi 116:12)
Nimrudishie BWANA nini kwa ukarimu wake wote alionitendea? Zaburi 116:12.
Je, umepata kujiuliza ni jinsi gani umshukuru Mungu kwa sababu ya wema wake wa ajabu kwako -- kwa sababu ya karama ya uhai, familia, afya, mibaraka ya mali?
Je, wakati mwingine unajihoji kama ahsante inatosha?
Kanuni ya Biblia ya uwakili inatoa njia dhahiri ya kudhihirisha shukrani yetu kwa Mungu kwa Faida zote hizo.



86


Yakobo alisema angemrudishia Mungu sehemu ya kumi, au zaka, ya yote ambayo alikuwa apokee, kama jinsi babu yake, Ibrahimu alivyotenda.



87

Maelekezo ya kwanza kabisa kuandikwa yahusuyo zaka, au kurejesha sehemu ya kumi kwa Bwana, yanaonekana katika Kitabu cha Mambo ya Walawi.

19 - WEKEZO USILOWEZA KUPOTEZA



88

(Fungu: Mambo ya Walawi 27:30)
Tena zaka yote ya nchi, kama ni mbegu ya nchi, au kama ni matunda ya nchi, ni ya BWANA.




89

ni takatifu kwa BWANA.
Mambo ya Walawi 27:30.



90

Tunaporejesha zaka ya BWANA tunaendelea kwa kudumu kusimika ukweli ya kwamba Mungu ni Muumbaji na Chanzo cha kila mbaraka. Na zaka inapaswa itumiweje?



91

(Fungu: Hesabu 18:21)
Kitabu cha Hesabu kinatoa maelezo yaliyo wazi: Na wana wa Lawi (watumishi katika huduma ya Mungu), nimewapa zaka yote katika Israeli kuwa urithi wao, badala ya huo utumishi wautumikao,




92

ni huo utumishi wa hema ya kukutania.
Hesabu 18:21.




93

Katika Biblia yote, tunaona ya kuwa zaka daima iliunga mkono kazi ya Mungu.



94


(Fungu: 1 Wakorintho 9:13,14)
Katika Agano Jipya, Paulo anaelezea, Hamjui ya kuwa wale wazifanyao kazi za hekaluni hula katika vitu vya hekalu,



95

na wale waihudumiao madhabahu huwa na fungu lao katika vitu vya madhabahu?

19 - WEKEZO USILOWEZA KUPOTEZA



96

Na Bwana vivyo hivyo ameamuru kwamba wale waihubirio Injili wapate riziki kwa hiyo Injili.
1 Wakorintho 9:13,14.



Kristo alisifu mpango wa zaka na wakati uo huo aliwakemea waandishi na Mafarisayo kwa kuwa na mawazo mafupi kuhusu dini:



98

(Fungu: Mathayo 23:23)

...Kwa kuwa mmalipa zaka za mnaanaa na bizari na jira, lakini mmeacha mambo makuu ya sheria,



99

yaani, adili, na rehema, na imani; hayo imewapasa kuyafanya, wala yale mengine msiyaache.
Mathayo 23:23.



Pengine umekuwa ukijiuliza ni jinsi gani ungeweza kutoa sehemu ya kumi ya mapato yako kwa Bwana. Watu wengi wamejiuliza juu ya hilo!
Lakini tena kwa namna fulani walifanya uamuzi wa kutegemea uongozi na hekima ya Mungu na kurudisha zaka kwake.



Majuma kadhaa baadaye, watu hawa hawa kwa msisimko walishuhudia muujiza uliotokea katika maisha yao! Kwa namna fulani, tisa ya kumi ya mapato yao iliongezeka zaidi ya kumi ya kumi ilivyowahi kutokea kabla!

Hapa ndipo ilipo siri ya usalama wa kifedha!



Baadhi ya watu huuliza, Je, zaka siyo ya Wayahudi tu?
Kwa hao tunauliza, Je, mibaraka ya mbingni ni kwa ajili ya Wayahudi peke yao?

19 - WEKEZO USILOWEZA KUPOTEZA



103

Kulikuwa na Jim ambaye aliitoa kwa shida zaka kwa uaminifu toka katika hundi ipatikanayo kwa shida. Ilionekana vigumu mwanzoni, lakini baadaye alibarikiwa kwa biashara yake ambayo ilifanikiwa na kuleta usalama wa kifedha.



104

Sasa anampatia Mungu sifa kwa mafanikio yake ya kifedha na anapenda kutoa ili kuendeleza kazi ya Bwana.




105

Au mchukue Ed, kama mfano, ambaye alichukua hatua ya imani kwa kufunga biashara yake siku ya Sabato -- siku iliyo na shughuli na mafanikio nyingi kuliko zote katika msimu -- anaishia kuzawadiwa kwa biashara iliyokua zaidi katika siku zingine sita za juma! Mungu ni mtunzaji wa ahadi!



106

Wakristo wa namna hiyo wamegundua kama hatua ya kwanza mibaraka iliyoahidiwa katika Malaki:



107

(Fungu: Malaki 3:10)
Leteni zaka kamili ghalani, ili kiwemo chakula katika nyumba yangu, mkanijaribu kwa njia hiyo,



108

asema BWANA wa majeshi; mjue kama sitawafungulia madirisha ya mbinguni,



109

na kuwamwagieni baraka, hata isiwepo nafasi ya kutosha, au la.
Malaki 3:10.

19 - WEKEZO USILOWEZA KUPOTEZA



110

Bwana asema ya kwamba kumi ya kila kitu ni takatifu kwake.

Anatupatia sisi wasaa wa upendeleo wa kumrudishia Yeye ili apate kujaribu uwakili wetu, kuona kama tutaheshimu na kumtambua yeye kama Mwenye.



111

Kama tukikataa kutenda hivyo, kwa hakika tunamnyang'anya Mungu, kulingana na Biblia.



112

(Fungu: Malaki 3:8)

...Lakini ninyi mwasema, 'Tumekuibia kwa namna gani?' Mmeniibia zaka na dhabihu. Malaki 3:8.



113

Wakati zaka, au moja ya kumi ya mapato yetu, ni mali ya Mungu, tunaalikwa kutoa kwa wingi, hata zaidi ya sehemu ambayo tayari ni moja kwa moja haki ya Mungu.

Pamoja na sadaka, hili linaachwa kuwa juu ya kila mmoja wetu kuamua kiasi gani ukarimu wetu unaweza kuwa.



114

(Fungu: Luka 6:38)

Hata hivyo, ipo baadhi ya miongozo katika Biblia. Yesu alisema, Wapeni watu vitu, nanyi mtapewa; kipimo cha kujaa na kushindiliwa, na kusukwa-sukwa hata kumwagika,...Luka 6:38.



115

Mpango wa Mungu wa kuendesha kazi yake hapa duniani kifedha, ni mrahisi na mzuri. Anaomba watu Wake kutoa toka mioyoni mwao, bila ya kuhofu mahitaji yao wenyewe, ambayo hatimaye yatakidhiwa kwa hali ya juu mbali kuliko matarajio yao.

19 - WEKEZO USILOWEZA KUPOTEZA



116

Pengine unafikiria, kama Mungu ni mwenye kila kitu, dhahabu, fedha, ng'ombe, ardhi na sisi, kwa nini anahitaji fedha yangu?

Mpango wa zaka ni mpango wa Mungu kwa ajili ya kuendeleza kazi yake hapa Duniani.



117

Kamwe hakukusudia ya kwamba kanisa liungwe mkono kifedha kutokana na bahati nasibu, michezo ya bingo, au nasibu ya namna yoyote!

Na je, si zaka ni namna ifaayo kwa ajili ya kuunga mkono huduma kifedha?



118

Kila mtu hutoa kulingana na jinsi apokeavyo.



119

Kama ukiwa na Shilingi elfu moja



120

unarudisha shilingi mia moja kwa Mungu.



121

Kama ulipata mia moja,



122

unarudisha shilingi kumi. Je, kuna mpango ambao ungekuwa wenye adili zaidi kuliko huo?

19 - WEKEZO USILOWEZA KUPOTEZA



123

Chochote tunachompatia Mungu, Yeye anatupatia zaidi. Daima tunapokea zaidi ya tunavyotoa. Tunaporejsha zaka kwa Mungu, tunaeleza shukurani yetu kwa kile alichotutendea, na tunapunguza hali ya kujijali nafsi na uchoyo.



124

Tunajihusisha zaidi na wengine. Na tunapoendelea kushiriki mibaraka yetu nao, tunakuwa katika upendo na huruma, huku tukiwa zaidi na zaidi kama Yesu.

Huo ni mpango wa Mungu kwa ukuaji wetu katika Kristo. Yesu alieleza visa vya ajabu ili kueleleza mafundisho yake.



125

Hapa ni moja ya vile vya kuvutia zaidi: mkulima shujaa mwenye bidii alifanya kazi sana na akawa na mazao ya kushangaza wakati wa mavuno.

Mavuno yalikuwa mengi sana kiasi ambacho ghala zake hazikuweza kuyahifadhi.

Zilikuwa tayari zinavunjika na mazao hayakuwa yameletwa ghalani yote bado.

Angelifanya nini? Hili lilikuwa swala lililomtia mashaka. Alikuwa akipambana katika kufanya uamuzi.

Je, atoe vilivyozidi kwa maskini?

Lakini vilikuwa mali yake.



126

Je, si yeye aliyepanga kwa uangalifu na kutumia hekima yake na utaalamu wa kilimo ili kufanya hili shamba kuwa la mafanikio kuliko yote katika bonde?

Akajishauri mwenyewe juu ya jambo la kutenda:



127

(Fungu:Luka 12:18 - 21)


...Nitafanya hivi: nitazivunja ghala zangu, nijenge nyingine kubwa zaidi, na humo nitaweka nafaka yangu yote na vitu vyangu.

19 - WEKEZO USILOWEZA KUPOTEZA



128

Kisha, nitajiambia, Ee nafsi yangu, una vitu vyema vingi ulivyojiwekea akiba kwa miaka mingi; pumzika basi, ule, unywe, ufurahi.
Luka 12:18,19.



129

Lakini Mungu akamwambia, 'Mpumbavu wewe, usiku wa leo wanataka roho yako!



130

na vitu ulivyojiwekea tayari vitakuwa vya nani?'




131

Ndivyo alivyo mtu ajiwekeaye nafsi yake akiba, asijitajirishe kwa Mungu.
Luka 12:20,21.



132

Mkulima tajiri hakutambua wapi mibaraka yake ilitokea.
Hakumtambua Muumbaji wake au wajibu wake kuwa wakili.
Aliwasahau kabisa maskini, yatima, wajane au wasio na makwao.
Alijifikiria yeye mwenyewe tu.
Mtu huyu alikuwa na tatizo la moyo.



133

(Fungu: Mathayo 6:21)
Yesu alisema, Kwa kuwa hazina yako ilipo, ndipo utakapokuwapo na moyo wako.
Mathayo 6:21.
Yesu alikuwa makini sana juu ya mtizamo wetu katika mali zetu, kwani kama havikutolewa kwa Yesu, vyaweza kutupeleka mbali na Mungu, na hata kuleta matokeo ya kupoteza uzima wa milele.

19 - WEKEZO USILOWEZA KUPOTEZA



134

(Fungu: Mathayo 16:26)
Alisema, Kwani atafaidiwa nini mtu akiupata ulimwengu wote, na kupata hasara ya nafsi yake?....
Mathayo 16:26



135

Tatizo ambalo lipo na mwanadamu wa kisasa ni kwamba maisha yake yamekuwa na mambo mengi sana na ratiba yake imebana kiasi ambacho husahau au hapati wakati wa kukumbuka wapi mibaraka yake yote hii inatokea.



136

Anashindwa kukumbuka gharama ambayo ililipwa ili kumbukomboa toka katika dhambi.
Matokeo yake, hudharau swala la kumheshimu Mungu na muda wake, talanta, na hazina yake.
Kila mmoja wetu anahitaji kukumbushwa kila siku ya kwamba --




137

Vitu tuvipendavyo na kuvikumbatia kwa nguvu katika mioyo yetu




138

Vimeazimwa tu; si vyetu kabisa.



139

Yesu anaturuhusu tu tuvitumie ili kuangaza maisha yetu,



140

Hivyo tukumbushe, tukumbushe, mpendwa Bwana,
- Imenukuliwa toka kwa Dottie Rambo,
Nikumbushe, Mpendwa Bwana

19 - WEKEZO USILOWEZA KUPOTEZA



141

Kila kitu tulichonacho ni karama toka kwa Mungu.

Maisha yetu ni karama toka kwa Mungu.

Afya yetu ni karama toka kwa Mungu.

Kila pumzi tuivutayo ni karama toka kwa Mungu.

Chakula tunachokula, mavazi tunayoyavaa, nyumba tunayoishi ndani yake ni karama zitokazo kwa Mungu.

Tunapomrudishia Mungu, tunasema, Ahsante, Bwana, kwa kile ulichonipatia.

Je, ungependa kusema, Bwana, ninataka nikuweke wa kwanza katika fedha zangu katika kila eneo la maisha yangu?

Kama unapenda, je, waweza kunyosha mkono wako tunapoomba?